

Na osnovu člana 70. Zakona o organizaciji organa uprave u Federaciji BiH («Sl. novine F BiH» broj: 35/05), člana 21. Zakona o dopunskim pravima branilaca i članova njihovih porodica u Bosansko-podrinjskom kantonu Goražde («Sl. novine BPK Goražde» broj: 2/24, 3/24-ispravka i 4/24 u daljem tekstu: zakon) i člana 4. Pravilnika za ostvarivanje prava na ime dodjele sredstava za besplatne obavezne udžbenike za redovno školovanje djece branilaca i članova njihovih porodica („Službene novine BPK Goražde“, broj: 5/24, u daljem tekstu Pravilnik), Ministar za boračka pitanja Bosansko-podrinjskog kantona Goražde raspisuje:

**JAVNI POZIV**  
**za odobravanje novčane pomoći na ime nabavke udžbenika**  
**učenicima srednjih škola čiji roditelji imaju status pripadnika boračke**  
**populacije na prostoru Bosansko – podrinjskog kantona Goražde**  
**za budžetsku 2024. godinu**

**Član 1.**

Predmet Javnog poziva je dodjela finansijskih sredstava na ime pomoći za nabavku udžbenika učenicima srednjih škola čiji roditelji imaju status pripadnika boračke populacije na prostoru Bosansko-podrinjskog kantona Goražde, planiranih u visini 6.500,00 KM na budžetskom kodu Ministarstva za boračka pitanja Bosansko-podrinjskog kantona Goražde 614200 - «Tekući transferi pojedincima» (BOR - 003).

**Član 2.**

Pravo na novčanu pomoć za nabavku udžbenika učenicima srednjih škola mogu ostvariti djeca demobilisanih boraca, ratnih vojnih invalida i članova porodica šehida i poginulih boraca, pod uslovom da imaju stalno prebivalište i boravište na području Kantona ili da su ostvarili povratak u Republiku Srpsku u općinama: Foča, Čajniče, Rudo, Višegrad, Rogatica, Pale i Novo Goražde, s tim da su na dan potpisivanja “Općeg okvirnog sporazuma za mir u BiH” (14.12.1995.g.), imala boravište na području Kantona.

Novčana pomoć za nabavku udžbenika, u maksimalnom iznosu do 252,20 KM po jednom učeniku, odnosno 20% prosječne neto plaće isplaćene u Federaciji u prethodnoj godini prema podacima Zavoda za statistiku FBiH, može se odobriti članovima porodica šehida - poginulih boraca, RVI, porodicama umrlih RVI i demobilisanih boraca i demobilisanim borcima težeg imovnog stanja, ako ukupna novčana primanja **podnosioca zahtjeva**, uključujući primanja po osnovu socijalne i boračko-invalidske zaštite ne prelaze iznos od **630,50,00 KM ili 50%** prosječne neto plaće isplaćene u Federaciji BiH u prethodnoj godini.

**Član 3.**

Opći uslovi za ostvarivanje prava na ime dodjele sredstava za besplatne obavezne udžbenike je da podonsilac zahtjeva ima priznato svojstvo lica iz člana 1. Zakona od strane nadležnog organa i da ima prijavljeno prebivalište, odnosno boravište na području Kantona ili općinama u Republici Srpskoj definisanim u članu 1. stav (2) Zakona.

**Član 4.**

Posebni kriteriji za ostvarivanje prava za dodjelu sredstava su:

1. da ukupna novčana neto primanja podnosioca zahtjeva, uključujući i primanja po osnovu socijalne i boračko - invalidske zaštite, ne prelaze visinu od 50 % prosječne neto plaće isplaćene u Federaciji BiH u prethodnoj godini;
2. da dijete redovno pohađa srednju školu na području Kantona i da po prvi put upisuje konkretni razred u školskoj godini za koju je raspisan javni poziv;

3. da je dijete za koje se traži novčana pomoć vratilo udžbenike u školsku biblioteku, pod uslovom da je u protekloj školskoj godini u odnosu na godinu za koju je raspisan javni poziv, podnosilac zahtjeva koristio pravo na ime dodjele sredstava za besplatne obavezne udžbenike;
4. da podnosilac zahtjeva ili umrli nosilac prava na osnovu kojeg se podnosi zahtjev, nemaju neizmirenih obaveza po osnovu dodjeljenih sredstava od strane Ministarstva za zapošljavanje/samozapošljavanje ili rješavanje stambenih potreba.

#### **Član 5.**

Obavezna dokumentacija koju dostavljaju podnosioci zahtjeva (roditelj, staratelj) na ime dodjele sredstava za besplatne obavezne udžbenike za redovno školovanje je:

1. Dokaz o priznatom statusu lica iz člana 1. Zakona:
  - za korisnike lične i porodične invalidnine: rješenje ili uvjerenje o priznatom statusu izdato od strane nadležnog organa;
  - za djecu šehida i poginulih branilaca: uvjerenje nadležnog organa da je u svojstvu djeteta šehida/poginulog branioca bilo korisnik prava na porodičnu invalidninu;
  - za demobilizirane braniocce: uvjerenje o vremenu provedenom u OS ARBiH u trajanju od najmanje jednu godinu – obrazac FMB-3A;
  - za dobitnike ratnih priznanja i odlikovanja: uvjerenje nadležnog organa o dodjeli ratnog priznanja i odlikovanja;
  - za supruge umrlih demobiliziranih branilaca: izvod iz matične knjige rođenih za dijete na čije ime se traže sredstva, izvod iz matične knjige vjenčanih, izvod iz matične knjige umrlih za umrlog demobiliziranog branioca po osnovu kojeg se ostvaruje pravo, uvjerenje na obrascu FMB-3a – izdato od nadležene grupe/samostalnog izvršioca za pitanja evidencija iz vojne obaveze da je umrli demobilizirani branilac po osnovu kojeg se ostvaruje pravo, bio pripadnik Armije RBiH najmanje 12 mjeseci;
2. Dokaz o mjestu prebivališta/boravišta – Obavještenje CIPS-a za podnosioca zahtjeva;
3. Izvod iz matične knjige rođenih (za dijete na koje se zahtjev odnosi);
4. Uvjerenje da se podnosilac zahtjeva nalazi na evidenciji Službe za zapošljavanje Bosansko – podrinjskog kantona Goražde, ukoliko se nalazi na evidenciji Službe, ili dokaz o ukupnim mjesečnim primanjima po osnovu radnog odnosa, boračko – invalidske zaštite, socijalne zaštite, penzije, samostalne djelatnosti i drugih osnova;
5. Dokaz da je dijete za koje se traži novčana pomoć redovan učenik srednje škole na području Kantona i da po prvi put upisuje konkretni razred u školskoj godinu za koju je objavljen javni poziv (uvjerenje/potvrda Škole);
6. Dokaz da je dijete za koje se traži novčana pomoć vratilo udžbenike u školsku biblioteku, pod uslovom da je u protekloj školskoj godini u odnosu na godinu za koju je objavljen javni poziv, podnosilac zahtjeva koristio pravo na ime dodjele sredstava za besplatne obavezne udžbenike (uvjerenje/potvrda škole);
7. Potvrda banke o otvorenom računu i
8. Ostalu dokumentaciju relevantnu za odlučivanje.

**Dokazi iz člana 5. dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.**

**NAPOMENA:** Dokaze – potvrde iz tačke 5. i 6. prethodnog stava Ministarstvo za boračka pitanja će obezbjediti službenim putem za sve podnosiocce zahtjeva.

## Član 6.

Lica koja ostvare pravo na dodjelu novčane pomoći na ime nabavke udžbenika u 2024.godini po ovom Javnom pozivu će po okončanju školske 2024/25 godine, u ispravnom stanju izvršiti povrat nabavljenih udžbenika školama u kojim pohađaju nastavu s ciljem ustupanja istih narednim generacijama.

Podnosioci zahtjeva za dodjelu novčanih sredstava na ime predmetne pomoći u 2024.godini koji su ostvarili pravo na dodjelu novčane pomoći po istom osnovu za 2023.godinu, **a ne izvrše** u otvorenom roku (do dana zatvaranja ovog Javnog poziva) povrat udžbenika iz prethodne godine, bez obzira da li ispunjavaju uslove definisane ovim Javnim pozivom neće se razmatrati, odnosno njihovi zahtjevi će se odbaciti.

### NAPOMENA:

**Zahtjev se podnosi na propisanom obrascu sa potrebnom dokumentacijom navednoj u javnom pozivu i dostavlja se u zatvorenoj koverti preporučenom poštom na adresu Ministarstva (1. slavne višegradske brigade 2a, 73 000 Goražde) ili lično u pisarnicu Bosansko-podrinjskog kantona Goražde tokom radnih dana u periodu od 07<sup>45</sup>-16<sup>15</sup> sati.**

Javni poziv ostaje otvoren 15 dana od dana objavljivanja na oglasnoj ploči Kantona.

Obrazac zahtjeva se može preuzeti na službenoj internet stranici ili u prostorijama Ministarstva za boračka pitanja Bosansko – podrinjskog kantona Goražde, ul. 1. Slavne višegradske brigade br. 2a.

Broj: 11-11-1170/24

Goražde, 27.08.2024. godine

